

四庫全書

集部

欽定四庫全書

集部
古詩紀卷五十九
六十

詳校官檢討臣德生

侍讀臣孫球覆勘

總校官知縣臣楊懋珩

校對官助教臣卜維吉

謄錄監生臣陸潮愈

欽定四庫全書

古詩紀卷五十九

明 馮惟訥 撰

宋第五

謝瞻

字宣達六歲能屬文與從叔混族弟靈暹俱有盛名晉義熙中為安城太守宋初除中書侍郎

以弟晦當朝乃求
出守豫章遇病卒

九日從宋公戲馬臺集送孔令詩

風至授寒服霜降休百工繁林收陽彩密苑解華叢巢

幕無留典遵渚有來

五臣
作歸

鴻輕霞冠秋日迅商薄清穹

聖心眷嘉節揚鑾戾行宮四筵霑芳醴中堂起絲桐扶

光迫西記歡餘

初學作餘歡

宴有窮逝矣將歸客養素克有

終臨流怨莫從歡心嘆飛蓬

答靈運

一作答康樂秋霽詩

夕霽風氣涼閒房有餘清開軒滅華燭月露皓

五臣作浩已

盈獨夜無物役寢者亦云寧忽獲愁霖唱懷勞奏所誠

善作此

歎彼行旅艱深茲眷言情伊余雖寡慰殷憂暫為

輕牽率酬嘉藻長揖愧吾生

於安城答靈運

五章

條繁林彌蔚波清源逾濬華宗誕吾秀之子紹前肩綢

繆結風徽烟媪吐芳訊鴻漸隨事變雲

五臣作靈

臺與年峻

華萼相光飾嚶鳴

五臣作嚶嚶

悅同響親親子敦余賢賢吾

爾賞比景後鮮輝方年一日長萎葉愛榮條涸流好河

廣

徇業謝成操復禮愧貧樂幸會果代耕符守江南

五臣作南

江曲履運傷荏苒遵塗歎緬邈布懷存所欽我勞一何

篤

肇允雖同規翻飛各異槩迢遞封畿外窈窕承明內尋
塗塗既睽即理理已

五臣一作亦

對絲路有恒悲矧迺在吾

愛

跬行安步武鍍翻周數何豈不識高遠遠方往有吞歲
寒霜雪嚴過半路逾峻量已畏友朋勇退不敢進行矣
勵令猷寫誠酬來訊

王撫軍庾西陽集別時為豫章太守庾被徵還東

集曰謝還豫章庾被徵還都
王撫軍送至湓口南樓作

祇召旋北京守官反

五臣作及

南服方舟析舊知對筵曠明

牧舉觴矜飲餞指途念出宿來晨無定端別晷有成連
顏陽照通津夕陰暖平陸榜人理行艫輶軒命歸僕分
手東城闐發權西江隩離會雖相雜逝川豈往復誰謂
情可書盡言非尺牘

張子房詩

王風哀以思周道蕩無章卜洛易隆替興亂罔不亡力

政吞九鼎苛慝暴三殤息肩纏民思靈鑒集朱光伊人
感代工聿來扶興王婉婉幙中畫輝輝天業昌鴻門銷
薄蝕垓下殞攬搶爵仇建蕭宰定都護儲皇肇允契幽
叟翻飛指帝鄉惠心奮千祀清埃播無疆神武睦三正
裁成被八荒明兩燭河陰慶霄薄汾陽鑿於五臣歷頽
寢飾像薦嘉嘗聖心豈徒甄惟德在無忘逝者如可作
揆子慕周行濟濟屬車士粲粲翰墨場曁夫遠盛觀竦
踊企一方四達雖平直蹇步愧無良食和忘微遠延首

詠太康

謝惠連

丹陽尹方明之子十歲能屬文元嘉七年為彭城王法曹參軍年三十七卒○詩品云小

謝詩才思富捷恨其蘭玉夙凋故長轡未騁秋懷持衣之作雖復靈運銳思亦何以加馬又工為麗

歌謠風人第一

秋胡行二首

以下四言

春日遲遲桑何萋萋紅桃含天綠柳舒萸邂逅繁者游

一作

渚戲蹊華顏易改良願難諧

係風捕影誠知不得念彼奔波意慮迴惑漢女倏忽洛

神飄揚空勤交甫徒勞陳王

隴西行

運有榮枯道有舒屈潛保黃裳顯服朱黻誰能守靜棄
華辭榮窮谷是處考槃是營千金不迴百代傳名厥包
者袖忘憂者萱何為有用自乖中原寶摘柯摧葉殞條
煩

豫章行

以下
五言

軒帆溯逆路薄送瞰遐江舟車理殊緬密友將遠從九

里樂同潤二華念分峰集歡豈今發離歎自古鍾促生
靡緩期迅景無遲蹤緇髮迫多素憔悴謝華華婉婉寡
留晷窈窕閉淹龍如何阻行止憤愠結心胸既微達者
度歡戚誰能封願子保淑慎良訊代徽容

塘上行

芳萱秀陵阿菲質不足營幸有忘憂用移根託君庭垂
穎臨清池擢彩仰華甍霑渥雲雨潤歲蕤吐芳馨願君
眷傾葉留景惠餘明

却東西門行

慷慨發相思惆悵戀音徽四節競關侯六龍引頽機人
生隨時變遷化馬可祈百年難必保千慮盈懷之

代悲哉行

樂府作忠連鮑
照集亦載此

羈人感淑節緣感欲回轍我行詎幾時華實驟舒結觀
實情有悲瞻華意無悅覽物懷同志如何復乖別翩翩
翔禽羅關關鳴鳥列翔鳴常疇偶所歎獨垂絕

燕歌行
七言

四時推遷迅不停三秋蕭瑟葉解輕飛霜被野鴈南征
念君客遊羈思盈何為淹留無歸聲愛而不見傷心情
朝日潛輝華燈明林鵲同栖渚鴻并接翮偶羽依蓬瀛
仇依旅類相和鳴余獨何為志無成憂緣物感淚沾纓

猛虎行

以下
雜言

貧不攻九嶷玉倦不憩三危峰九嶷有感號三危無安
容美物標貴用志士勵竒蹤如何祇遠役王命宜肅恭
伐鼓功未著振旅何時從

又

猛虎潛深山長嘯自生風人謂客行樂客行苦心傷

鞠歌行

翔馳騎千里姿伯樂不舉誰能知南荆壁萬金貨卞和不
不斲與石離年難留時易殞厲志莫賞徒勞疲沮齊音
溺趙吹匠石善運郢不危古綿眇理參差單心慷慨雙
淚垂

前緩聲歌

義和織阿去嵯峨覩物知命使余轉欲悲歌憂戚人心
宵處山勿居峰在行勿為公居峯大阻銳為公遇護蔽
雅琴自踈越雅韻能揚揚滑滑相混同終始福祿豐

三月三日曲水集

一作上巳曲水
集。以下五言

四時著平分三春稟融爍遲遲和景婉夭夭園桃灼携

朋適

藝文
作斯

郊野昧爽

藝文
作旦

辭鄠郭蜚雲興翠嶺芳飈起

華薄解轡偃崇丘藉草繞迴壑際渚羅時筭託波汎輕

爵

汎南湖至石帆

軌息陸塗初柁鼓川路始漣漪繁波漾參差層峯峙
蕭疎野趣生逶迤白雲起登陟苦跋涉瞬盼樂心耳即
翫翫有竭在興興無已

西陵遇風獻康樂

五章

我行指孟春春仲尚未發趣途遠有期念離情無歇成
裝候良辰漾舟陶嘉月瞻塗意少悰還顧情多闕

哲兄感此別相送越垞林飲餞野亭館分袂澄湖陰悽

悽留子言眷眷浮客心迴塘隱艫棹遠望絕形音

靡靡即長路戚戚抱遙悲遙但自弭路長當語

五臣作問

誰行行道轉遠去去情彌遲昨發浦陽內今宿浙江湄

屯雲救曾嶺驚風湧飛流零雨潤墳澤落雪灑林丘浮

氛晦崖嶽積素惑原疇曲汜薄停旅

五臣作依

通川絕行舟

臨津不得濟佇楫阻風波蕭條洲渚際氣色少諧和西

瞻

五臣作瞻

興游歎東睇起悽歌積憤成疾痲無萱將如何

代古

一作擬客
從速方來

客從遠方來贈我鵠文綾貯以相思篋緘以同心繩裁
為親身服著以俱寢興別來經年歲歡心不可凌瀉酒
置井中誰能辨斗升合如杯中水誰能判淄澠

秋懷

平生無志意少小嬰憂患如何乘苦心矧復值秋晏皎
皎天月明奕奕河宿爛蕭瑟含風蟬寥唳度雲鴈寒
商動清閨孤燈暖幽幔耿介繁慮積展轉長宵半夷險
難預謀倚伏昧前算雖好相如達不同長卿慢頗悅鄭

生偃無取白衣官未知古人心且從性所翫賓至可命
觴朋來當染翰高臺驟登踐清淺五臣作波時陵亂顏鬼不
再圓傾義無兩旦金石終銷毀丹青暫彫煥各勉玄髮
歡無貽白首歎因歌遂成賦聊用布親串

擣衣

衡紀無淹度晷運倏如催白露滋園菊秋風落庭槐肅
肅莎雞羽烈烈寒螿啼夕陰結空幕宵月皓中閨美人
戒裳服端飾相招携簪玉出北房鳴金步南階欄高砧

響發楹長杵聲哀微芳起兩袖輕汗染雙題紈素既已
成君子行未歸裁用笥中刀縫為萬里衣盈篋自余手
幽緘俟君開腰帶准疇昔不知今是非

泛湖歸出樓中望月

日落泛澄瀛星羅遊輕橈憩榭面曲汜臨流退迴潮輟
策共駢筵並坐相招要哀鴻鳴沙渚悲猿響山椒亭亭
映江月颼颼出谷颼斐斐氣暮岫泣泣露盈條近矚祛
幽蘊遠視蕩諠囂晤言不知罷從夕至清朝

七月七日夜詠牛女

落日隱欄楹，升月照簾。

玉臺
作房

櫳團團，滿葉露析析，振條

風蹠足，循廣除，瞬目矚曾穹。雲漢有靈匹，彌年闕相從。

遐川阻溺，愛脩渚，曠清容。弄杼不成藻，從鸞驚前蹤。昔

離秋已兩，今聚夕無雙。傾河易迴，幹款情

玉臺
作願

難久，悰

沃若靈駕，旋寂寥。雲幄空，留情願。華寢遙，心逐奔龍沈。

吟為爾，感情深。意彌重。

喜雨

朱明振炎氣溽暑扇溫颺羨彼明月輝離畢經中宵思
此西郊雲既雨盈崇朝上天愍憔悴商羊自吟謠

詠冬

藝文新本字端作
靈運考舊本正之

七宿乘運曜三星與時滅履霜冰彌堅積寒風愈切繁
雲起重陰迴颺流輕雪園林榮斐皓庭除秀皎潔墀瑣

有凝汙

一作
汙

逵衢無通轍

讀書

貴園奚足慕下帷故宜遵山成由一篲崇積始微塵虞

軒雖眇莽顏隰亦何人

離合詩二首

放棹遵遙塗方與情人別嘯歌亦何言肅爾凌霜節

各

字

夫人皆薄離二友獨懷古思篤子衿詩山

當作三

川何足

苦

念字

夜集作離合

四坐宴嘉賓一客自遠臻九言何所戒十善故宜遵

長安有狹邪行

以下
闕文

紀郢有通達通達並軒車
帶帶雕輪馳軒軒翠蓋舒
撰策之五尹振轡從三閭
推劔馮前軾鳴佩專後輿

順東西門行

哀朝菌閔頽力遷化常然焉肯息
及壯齒遇世直酌酪
華堂集親識舒情盡懽遣悽惻

夜集歎乖

詩人詠踟躕騷首歌離別誠哉曩日歡
展矣今夕切吾

生赴進令質明即行轍在貧故宜言贈子保温惠昌用
書諸紳久要亮有誓言

與孔曲阿別詩

淒淒乘蘭秋言餞千里舟塗屆雲陽邑邑宰有昔遊行
人雖念路為爾暫淹留

詠螺蚌

輕羽不高翔自用弦網羅纖鱗感芳餌故為釣所加螺
蚌非有心沈迹在泥沙文無雕飾用味非鼎俎和

失題

見藝文
言志類

夕坐苦多慮行歌踐閨中房櫳引傾月步檐結春風

古詩紀卷五十九

欽定四庫全書

古詩紀卷六十

明 馮惟訥 撰

宋第六

鮑照

一作昭字明遠東海人文詞瞻逸尤長於樂府始謁臨川王義慶貢詩言志擢為國侍郎遷秣

陵令文帝選為中書舍人上方以文章自高頗多忌由是賦述不敢盡其才後臨海王子頊鎮荊州以為前軍參軍時江外諸王皆拒命子頊敗遂遇害○詩品曰鮑照詩其源出於二張善形容狀寫物之詞得景陽之傲詭含茂先之靡嫚骨節強于謝混軀邁疾于延年總四家而擅美跨兩代而孤出嗟其才秀人微故取湮當代然貴尚巧似不避危反頗傷清雅之詞故言險俗者多以附照

樂府

採桑

以下
五言

季春梅始落工女事蠶作採桑淇水間還戲上宮閣早

蒲時結陰晚篁

一作竹

初解穉靄靄霧滿

集作灑

閨融融景

盈幕乳燕逐草蟲巢蜂拾花萼是節最暄妍佳服又新

爍綿

玉臺
作敏

歎對迴塗揚歌弄場藿抽琴試杼思薦珮果

成託承君郢中美服義久心諾衛風古愉艷鄭俗舊淳

薄靈願悲渡湘宓賦笑瀝洛盛明難重來淵意為誰涸

君其且調絃桂酒妾行酌

代蒿里行

同盡無貴賤殊願有窮伸馳波催水夜零露逼短晨結

集作

驅我幽山駕去此湍堂親虛容遺劍佩實

樂府作美

貌戢

衣巾斗酒安可酌尺書誰復陳年代稍推遠懷抱日幽
淪人生良自劇天道與何人齋我長恨意歸為狐兔塵

代挽歌

獨處重冥下憶昔登高臺傲岸平生中不為物所裁埏

門只復閉白蟻相將來生時芳蘭體小蟲今為炎玄鬚
無復根枯體依青苔憶昔好飲酒素盤進青梅彭韓及
廉藺疇昔已成灰壯士皆死盡餘人安在哉

代東門行

傷禽惡弦驚倦客惡離聲離聲斷客情宿御皆涕零涕
零心斷絕將去復還訣一息不相知何況異鄉別遙遙
征駕遠杳杳白日晚居人掩閨卧行子夜中飯野風吹
草集作木行子心腸斷食梅常苦酸衣葛常苦寒絲竹

秋

徒滿座憂人不解顏長歌欲自慰彌起長恨端

代放歌行

歌錄曰孤子生行
古辭曰放歌行

蓼蟲避葵堇習苦不言非小人自齷齪安知曠士懷鷄
鳴洛城裏禁門平旦開冠蓋縱橫至車騎四方來素帶
曳長飈華纓結遠埃日中安能止鍾鳴猶未歸夷世不
可逢賢君信愛才明慮自天斷不受外嫌猜一言分珪
爵片善辭草萊豈伊白璧賜將起黃金臺今君有何疾

臨路獨遲迴

代陳思王京洛篇

玉臺作煌
煌京洛行

鳳樓十二重四戶八綺窓繡栢金蓮花桂柱玉盤龍珠
簾無隔露羅幌不勝風寶帳三千所為爾一朝容揚芬
紫煙上垂綵綠雲中春吹回白日霜歌落塞鴻但懼秋
塵起盛愛逐衰蓬坐視青苔滿卧對錦筵空琴瑟縱橫
散舞衣不復縫古來共歎薄君意豈獨濃唯見雙黃鵠
千里一相從

代門有車馬客行

門有車馬客問客何鄉士捷步往相訊果得舊隣里悽
悽聲中情慊慊增下俚語昔有故悲論今無新喜清晨
相訪慰日暮不能已歡戚競尋緒談調何終止辭端竟
未究忽唱分途始前悲尚未弭後感樂府作戚方復起嘶聲
盈我口談言在君耳手迹可傳心願爾篤行李

代權歌行

羈客離嬰時飄颻無定所昔秋寓江介茲一作今春客河

許往戢于役身願言水懷楚泠泠儵疏潭邕邕鴈循渚
颺戾長風振搖曳高帆舉驚波無留連舟人不躊佇

代白頭吟

直如朱絲繩清如玉壺冰何慙宿昔意猜恨坐相仍人
情賤恩舊世議逐衰興毫髮一為瑕邱山不可勝食苗
實碩鼠點白信蒼蠅鳧鵠遠成美薪芻前見陵申黜褒
女進班去趙姬升周王日淪惑漢帝益嗟稱心賞猶難
恃貌恭豈易憑古來共如此非君獨撫膺

代東武吟

主人且勿誼賤子歌一言僕本寒鄉士出身蒙漢恩始

隨張校尉占

一作召

募到河源後逐李輕車追虜窮塞垣

密塗亘萬里寧歲猶七奔肌力盡鞍甲心思歷涼溫將

軍既下世部曲亦罕存時事一朝異孤績誰復論少壯

辭家去窮老還入門腰鎌刈葵藿倚杖牧

一作收

鷄豚昔

如鞞上鷹今似檻中猿徒結

一作積

千載恨空負百年怨

棄席思君幄疲馬戀君軒願垂晉主惠不愧田子魂

代別鶴操

雙鶴俱起時徘徊滄海間
長弄若天漢輕軀似雲懸
幽客時結侶提携遊三山
青纒凌瑤臺丹羅籠紫煙
海上悲風急三山多雲霧
散亂一相失驚孤不得住
緬然日月馳遠矣絕音儀
有願而不遂無怨以生離
鹿鳴在深草蟬鳴隱高枝
心自有所存一作悵旁人那得知

代出自薊北門行

羽檄起邊亭烽火入咸陽
徵師選作

騎

屯廣武分兵救朔

方巖秋筋竿勁虜陣精且彊天子按劍怒使者遙相望
雁行緣石徑魚貫度飛梁簫鼓流漢思當作旌甲被胡
霜疾風衝塞起沙礫自飄揚馬毛縮如蝟角弓不可張
時危見臣節世亂識忠良投軀報明主身死為國殤

代陸平原君子有所思行

西上登雀臺東下望雲闕層閣肅天居馳道直如髮繡
甍結飛霞璇題納行月築山擬蓬壺穿池類溟渤選色
遍齊代集作徵聲匝邛越陳鐘陪夕讌笙歌待明發年

貌不可還身意會盈歇蟻壤漏山阿

善作河

絲淚毀金骨

器惡含滿敬物忌厚生沒智哉衆多士服理辨昭昧

音叶

未一作晰

代悲哉行

明遠集載此樂府作謝惠連

羈人感淑節緣感欲回轍我行詎幾時
華實驟舒結覩實情有悲瞻
華意無悅覽物懷同志如何復乖別
翩翩翔禽羅闕闕鳴鳥列翔鳴尚傳
偶所歎獨乖絕

代陳思王白馬篇

白馬駢角弓鳴鞭乘北風要遶問邊急雜虜入雲中閉
壁自徃夏清野逐還冬僑裝多闕絕旅服少裁縫埋身
守漢境一作節沈命對胡封薄暮塞雲起飛沙被遠松
含悲望兩都楚歌登四墉丈夫設計誤懷恨遂邊戎棄
罷一作別中國愛要一作邀真胡馬功去來今何道卑賤生
所鍾但令塞上兒知我獨為雄

代昇天行

家世宅關輔勝帶官王城備聞十帝事委曲兩都情倦

見物興哀驟觀俗屯平翩翻若

一作類

回掌恍惚似朝榮

窮途悔短計晚志重

一作愛

長生從師入遠嶽結友事仙

靈五圖

一作芝

癸金記九籥隱丹經風餐委松宿雲卧恣

天行冠霞登綵閣解玉飲椒庭暫遊越萬里少

一作別近

數千齡鳳臺無還駕簫管有遺聲何時

一作當

與汝曹

啄腐共吞腥

松栢篇

并序

余患脚上氣四十餘日知舊先借傅玄集以余病劇

遂見還開袞，適見樂府詩。
龜鶴篇於危病中，見長逝。
詞惻然酸懷，抱如此重病，彌時不差呼吸之喘，舉目
悲矣。火藥間闕而擬之。

松柏受命獨，歷代長不衰。
人生浮且脆，歎若晨風悲。
東海并浙川，西山導落暉。
南郭一作悅籍短，蒿里收永歸。

諒無疇，昔時百病起。
盡期志士惜牛刀，忍勉自療治。
傾家行藥事，顛沛去迎醫。
徒備火石苦，奄至不得辭。
龜齡

安可獲，岱宗恨一作已迫。
睿聖不得留，為善何所益。
捨

此赤縣居就彼黃墟宅永離九原親長與三辰隔屬續
生望盡闔棺世業埋事痛存人心恨結亡者懷祖葬既
云及壙隧亦已開室族內外哭親踈同共哀外姻遠近
至名列通夜臺扶輿出殯宮低回戀庭室天地有盡期
我去無還日居者今已盡人事從此畢火歇烟既沒形
銷聲亦滅鬼神來依我生人永辭訣大暮杳悠悠長夜
無時節鬱湮重冥下煩冤難具說安寢委沈寔戀戀念
平生事業有餘結刊述未及成資儲無擔石兒女皆孩

嬰一朝放捨去萬恨纏我情追憶世上事束教已自拘
明發靡怡愈夕歸多憂虞轍間晨遲荒撤宴式酒濡知
今瞑目苦恨失爾時娛遙遙遠民居獨埋深壤中墓
前人跡滅冢上草日豐空林響鳴蜩高松結悲風長寐
無覺期誰知逝者寤生存處交廣連榻舒華茵已沒一
何苦楛哉不容身昔日平居時晨夕對六親今日掩柩
何一見無諧因禮席有降殺三齡速過隙几筵就收撤
室宇改疇昔行女遊歸途仕子復王役家世本平常獨

有亡者劇時祀望歸來四節靜瑩丘孝子撫墳號父兮
知來不欲還心依戀欲見絕無由煩冤荒隴側肝心盡崩
抽

代苦熱行

赤阪橫西阻火山赫南威身熱頭且痛鳥墜魂來歸湯

泉發雲潭焦煙起石圻一作磯日月有恒昏雨露未嘗晞

丹蛇踰百尺玄蜂盈十圍含沙射流影吹壘病一作痛行

暉瘡氣晝薰體茵露夜霑衣饑猿莫下食晨禽不敢

飛毒涇尚多死度瀘寧具腓生軀蹈死地昌志登禍機
戈船榮既薄伏波賞亦微爵輕君尚惜士重安可希

代朗月行

朗月出東山照我綺窓前窓中多佳人被服妖且妍靚
粧坐帳一作帷裏當戶弄清弦鬢奪衛女迅體絕飛燕
先為君歌一曲當作朗月篇酒至顏自解聲和心亦宣
千金何足重所存意氣間

代堂上歌行

四坐且莫

勿一作

誼聽我堂上歌昔仕京洛時高門臨長

河出入重宮裏結友曹與何車馬相馳逐賓朋好容華

陽春孟春月朝光散流霞輕步逐芳風言笑弄丹葩暉

暉朱顏配紛紛織女梭滿堂皆美人目成對湘娥雖謝

侍君閒明粧帶綺羅箏笛更彈吹高唱好相和萬曲不

關心

一作情

一曲動情多欲知情厚薄更聽此聲歌

代結客少年場行

驄馬金絡頭錦帶佩吳鉤失意杯酒間白刃起相讐言追

兵一旦至負劔遠行遊去鄉三十載復得還舊丘升高
臨四關表裏望皇州九塗一作平若水雙闕似雲浮扶
宮羅將相夾道列王侯日中市朝滿車馬若川流擊鐘陳
鼎食方駕自相求今我獨何為埒壤懷百憂

扶風歌

昨辭金華殿今次鴈門縣寢卧握秦戈棲息抱越箭忍
悲別親知行泣隨征傳寒煙空徘徊朝日乍舒卷

代少年時至衰老行

已下五首
樂府不載

憶昔少年時馳逐好名晨結友多貴門出入富兒隣綺
羅艷華風車馬自揚塵歌唱青齊女彈箏燕趙人好酒
多芳氣餽味厭時新今日每相念此事邈無因寄語後
生子作樂當及春

代陽春登荆山行

旦登荆山頭崎嶇道難遊早行犯霜露苔滑不可留極
眺入雲表窮目盡帝州方都列萬室層城帶高樓奕奕
朱軒馳紛紛縞衣流日氛映山浦暄霧逐風收花木亂

平原桑柘盈

一作
綿

平疇攀條弄紫莖藉露折芳柔遇物

雖成趣念者不解憂且共慶春酒長歌登山丘

代貧賤苦愁行

湮沒雖死悲貧苦即生劇長歎至天曉愁苦窮日夕盛
顏當少歇鬢髮先老白親友四面絕朋知斷三益空庭
慙樹萱藥餌愧過客貧年忘日時黯顏就人惜俄頃不
相酬慙怩面已赤或以一金恨便成百年隙心為千條
計事未見一獲運圯津塗塞遂轉死溝洫以此窮百年

不如還窳窳

代邊居行

少年遠京

一作荆

陽遙遙萬里行

集作方

陋巷絕人徑茅屋

摧山岡不覩車馬迹但見麋鹿場長松何落落丘隴無

復行邊地無高木蕭蕭多白楊盛年日月盡一去萬恨

長悠悠世中人爭比錐刀忙不憶貧賤時富貴輒相忘

紛紛徒滿目何關慨予傷不如一畝中高會挹清漿遇

樂便作樂莫使候朝光

代邽街行

一作去邽行

竚立出門衢遙望轉蓬飛蓬去舊根在連翩逝不歸念
我捨鄉俗親好久乖違慷慨懷長想惆悵戀音徽人生
隨事變遷化馬可祈百年難必果千慮易盈虧

蕭史曲

樂府作鮑照藝文作張華然此詩詞格不類晉人當以樂府為正

蕭史愛長

一作少

年羸女老童顏火粒願排棄霞霧霧好登

攀龍飛逸

一作竟

天路鳳起出秦關身去長不返蕭聲時

往還

王昭君

既事轉蓬遠心隨鴈路絕霜鞞旦夕驚邊笳中夜咽

吳歌三首

夏口樊城岸曹公却月成但觀流水還識是儂流下

夏口樊城岸曹公却月樓觀見流水還識是儂淚流
人言荆江狹荆江定自濶五兩了無聞風聲那得達

採菱歌七首

鶩舫馳桂浦息棹偃椒潭簫弄澄湘北菱歌清漢南

弭榜寒蕙莫停唱
紉薰若含傷
拾泉花營念採雲萼

睽濶逢暄新悽怨
值妍華秋心不可盪

樂府作
殊不那

春思亂

如麻

要艷雙嶼裏望美
兩洲間裊裊風出浦
容容

樂府作
沈沈

日

向山

煙曠越嶂深
箭迅楚江急
空抱琴中

樂府
作心

悲徒望近關

樂府作
弦閣泣

緘歎凌珠淵收慨
上金堤春芳行
歇落是入方未齊

思今懷近憶望古懷遠識懷古復懷今長懷無終極

幽蘭五首

傾輝引暮色孤景留思顏梅歇春欲罷期渡往不還
簾委蘭蕙露帳含桃李風攬帶昔何道坐令芳節終
結珮徒分明抱梁輒乖忤華落知不終空愁坐相誤

眇眇蛸挂網漠漠蠶弄絲空慙不自信怯與君畫

一作
劃

期

陳國鄭東門古今共所知長袖暫徘徊馮馬停路歧

中興歌十首

千冬遲

一作連

一春萬夜視朝日生平值中興歡起百憂

畢

中興太平運化清四海樂祥景照玉臺紫煙遊鳳閣
碧樓含夜月紫殿爭朝光綵池散蘭麝風起自生芳
白日照前窓玲瓏綺羅中美人掩輕扇含思歌春風
三五容色滿四五妙華歇已輸春日歡分隨秋光沒
北出湖邊戲前還苑中遊飛穀繞長松馳管逐波流

九 月 秋 水 清 三 月 春 花 滋 千 金 逐 良 日 皆 競 中 興 時
窮 泰 已 有 分 壽 夭 復 屬 天 既 是 中 興 樂 莫 持 憂 自 煎
襄 陽 是 小 地 壽 陽 非 帝 城 今 日 中 興 樂 遙 冶 在 上 京
梅 花 一 時 艷 竹 葉 千 年 色 願 君 松 栢 心 採 照 無 窮 極

代 白 紵 舞 歌 詞 四 首

并 序 以
下 七 言

侍 郎 臣 鮑 照 啓 被 教 作 白 紵 舞 歌 詞 謹 竭 庸 陋 裁 為
四 曲 附 啓 上 呈 識 方 渙 悴 思 塗 猥 局 言 既 無 雅 聲 未
能 文 不 足 以 宣 贊 聖 旨 抽 拔 妙 實 謹 遣 簡 餘 慙 隨 悚

盈謹啓詞曰

吳刀楚製為佩，緯織羅霧縠垂羽衣。含商咀徵，歌露晞珠履。一作履颯沓紵袖飛，淒風夏起，素雲回車。忘馬煩客，忘歸蘭膏明燭，承夜輝。

桂宮栢寢擬天居，朱爵文窓縮綺疏。象牀瑤席鎮犀渠，雕屏匝匝組帷。一作帳舒秦箏，趙瑟挾笙竽。垂璫散珮盈

玉，除傳觴不御，欲誰須。

三星參差霧霑濕，弦悲管清月將入。寒光蕭條候蟲急。

荆王流歎楚妃泣紅顏難長時易戢凝華結藻一作綠久

延立非君之故豈安集

池中赤鯉庖所捐琴高乘去騰一作飛上天命逢福世丁

溢恩

一作徽命達
福丁溢恩

簪金藉綺升曲筵恩厚德深

一作思
君厚德

委如山潔誠洗志期暮年烏白馬角寧足言

代白紵曲二首

朱脣動素脫

一作袖

舉洛陽少童

一作年

邯鄲女古稱淥水

今白紵催弦急管為君舞窮秋九月荷葉黃北風驅鴈

天雨霜夜長酒多樂未央

春風澹蕩使思多天色淨淥氣妍和含桃紅萼蘭紫芽
朝日灼爍發園華卷幌結帷羅玉筵齊謳秦吹盧女弦
千金顧笑買芳年

代鳴鴈行

邕邕鳴鴈鳴始旦齊行命侶入雲漢中夜相失羣離亂
留連徘徊不忍散憔悴容儀君不知辛苦風霜亦何為

擬行路難十八首

以下
雜言

奉君金卮之美酒

璠一作玳

瑁玉匣之雕琴七絲芙蓉之

羽帳九華蒲萄之錦衾紅顏零落歲將暮寒光宛轉時
欲沈願君裁悲且減思聽我抵節行路吟不見栢梁銅
雀上寧聞古時清吹音

洛陽名工鑄為金博山千斲復萬鏤上刻秦女携手仙
承君清夜之歡娛列置幃裏明燭前外發龍鱗之丹絲
內含麝芬之紫煙如今君心一朝異對此長歎終百年
璇閨玉墀上椒閣文窓繡戶垂羅幕中有一人字金蘭

被服織羅采芳藿春燕參差風散梅開幃對景弄春爵

含歌攬涕恒抱愁

玉臺作不能言

人生幾時得為樂寧作野中

之雙鳧不願雲間之別鶴

瀉水置平地各自東西南北流人生亦有命安能行歎
復坐愁酌酒以自寬舉杯斷絕歌路難心非木石豈無
感吞聲踣躅不敢言

君不見河邊草冬時枯死春滿道君不見城上日今暝

沒盡

一作山

去明朝復更出今我何時當得然一去永滅

入黃泉人生苦多歡樂少意氣數腴在盛年且願得志
數相就牀頭恒有沽酒錢功名竹帛非我事存亡貴賤
付皇天

對案不能食拔劍擊柱長歎息丈夫生世會幾時安能
蹀躞垂羽翼棄置罷官去還家自休息朝出與親辭
暮還在親側弄兒牀前戲看婦機中織自古聖賢盡貧
賤何況我輩孤且直

愁思忽而至跨馬出北門舉頭四顧望但見松柏園荆

棘鬱蹲蹲

集作
搏搏

中有一鳥名杜鵑言是古時蜀帝魂聲

音哀苦鳴不息羽毛憔悴似人髣飛走樹間啄

集作
逐蟲

蟻豈意往日天子尊念此死生變化非常理中心惻愴

不能言

中庭五株桃一株先作花陽春妖冶二三月從風簸蕩
落西家西家思婦見悲悅零淚沾衣撫心歎初送我君
出戶時何言淹留節迴換牀席生塵明鏡垢織腰瘦削
髮蓬亂人生不得恒稱意惆悵徙倚至夜半

劉蕖染黃絲黃絲歷亂不可治我昔與君始相值爾時

自謂可君意結帶與君言死生好惡不相置

一作結帶與君同死

生好惡不擬相棄置

今日見我顏色衰意中索寞

一作錯漠

與先異還

君金

一作玉

釵玳瑁簪不忍見之

一作此

益愁思

君不見薜華不終朝須臾奄冉零落銷盛年妖艷浮華

輩不久亦當詣塚頭一去無還期千秋萬歲無音詞孤

魂筑筑空隴間獨魄徘徊遠墳墓但聞風聲野鳥吟豈

憶平生盛年時為此令人多悲悒君當縱意自熙怡

君不見枯槔走階庭何時復青著故莖君不見亡靈蒙
享祀何時傾杯竭壺罌君當見此起憂思寧及得與時
人爭人生倏忽如絕電華年盛德幾時見但令縱意存
高尚旨酒嘉肴相胥讌持此從朝竟夕暮差得亡憂消
愁怖胡為惆悵不能已難盡此曲令君忤

今年陽初花滿林明年冬末雪盈岑推移代謝紛交轉
我君邊成獨稽沈執袂分別已三載邇來寂淹無分音
朝悲慘慘遂成滴暮思遶遶最傷心膏沐芳餘久不御

蓬首亂髮不飾簪徒飛輕埃舞空帷粉黛器靡復遺
自生留世苦不幸心中惕惕恒懷悲

春禽啾啾旦暮鳴最傷君子憂思情我初辭家從軍僑
榮志溢氣干雲霄流浪漸冉經三齡忽有白髮素髭生
今暮臨水拔已盡明日對鏡復已盈但恐羈死為鬼客
客思寄滅生空精每懷舊鄉野念我舊人多悲聲忽見
過客問何我寧知我家在南城答云我曾居君鄉知君
遊宦在此城我行離邑已萬里今方羈役去遠征來時

聞君婦閨中孀居獨宿有貞名亦云悲朝泣閭房又聞
暮思淚霑裳形容憔悴非昔悅蓬鬢衰顏不復粧見此
令人有餘悲當願君懷不暫忘

君不見少壯從軍去白首流離不得還故鄉宵宵日夜
隔音塵斷絕阻河關朔風蕭條白雲飛胡笳哀極邊氣
寒聽此愁人今柰何登山遠望得留顏將死胡馬跡能
見妻子難男兒生世軼軻欲何道綿憂摧抑起長歎
君不見栢梁臺今日丘墟生草萊君不見阿房宮寒雲

澤雉栖其中歌妓舞女今誰在高墳纍纍滿山隅長袖
紛紛徒競世非我昔時千金軀隨酒逐樂任意去莫令
含歎下黃墟

君不見冰上霜表裏陰且寒雖蒙朝日照信得幾時安
民生故如此誰令摧折強相看去年來自如削白髮
零落不勝冠

君不見春鳥初至時百草含青俱作花寒風蕭索一旦
至竟得幾時保光華日月流邁不相饒令我愁思怨恨

多

諸君莫歎貧富貴不由人丈夫四十彊而仕余當二十
弱冠辰莫言草木委冬雪會應蘇息遇陽春對酒叙長
篇窮途運命委皇天但願樽中九醞滿莫惜牀頭百個
錢直得一作須優游卒一歲何勞辛苦事百年

梅花落

中庭雜樹多偏為梅谷嗟問君何獨然念其霜中能作
花霜中能作實搖蕩春風媚春日念爾零落逐寒風徒

有霜華無霜質

代淮南王

玉臺分朱城以
下別作一首

淮南王好長生服食鍊氣讀仙經琉璃作盃牙作盤金
鼎玉七合神丹合神丹戲紫房紫房綵女弄明璫鸞歌
鳳舞斷君腸朱城九門一作朱城九重門九閨願逐明月入君
懷入君懷結君佩怨君恨君恃君愛築城思堅刃思利

同盛同衰莫相棄

代雉朝飛

雉朝飛振羽翼專場挾雌一作兩恃彊力媒已驚翳又逼

蒿間潛鼓盧矢直刻繡頸碎錦臆絕命君前無怨色握
君手執杯酒意氣相傾死何有

代北風涼行

北風涼雨雪霏京洛女兒多妍粧遙豔帷中自悲傷沈
吟不語若有一一作為忘問君何行何當歸苦使妾坐自傷
悲慮年至慮顏衰情易復恨難追

代空城雀

雀乳四轂空城之阿朝食

一作拾

野粟夕飲水河高飛畏

鷓鴣下飛畏網羅幸傷伊何言怵迫良已多誠不及青

鳥遠食玉山禾猶勝吳宮燕無罪得焚窠賦命有厚薄

長歎欲如何

代夜坐吟

冬夜沈沈夜坐吟含聲未發已知心霜入幕風度林朱
燈滅朱顏尋體君歌逐君音不貴聲貴意深

代春日行

三言

獻歲發吾將行春山茂春日明園中鳥多嘉聲梅始發
桃一作柳始青汎舟艫齊權驚奏採菱歌鹿鳴風微起波
微生絃亦發酒亦傾入蓮池折桂枝芳袖動芬葉披兩
相思兩不知



古詩紀卷六十

欽定四庫全書

集部

古詩紀卷六十三

詳校官檢討臣德生

侍讀臣孫球覆勘

總校官知縣臣楊懋珩

校對官助教臣卜維吉

謄錄監生臣陸潮愈

欽定四庫全書

古詩紀卷六十一

明 馮惟訥 撰

宋第七

鮑照

侍宴覆舟山二首

勅為柳元景作
○以下五言

息雨清上郊，開雲照中縣。遊軒越丹居，暉燭集涼殿。凌
高躋飛楹，追焱起流宴。栒苑含靈羣，崑庭藏物變。明輝
爍神都，麗氣冠華甸。日遠幽情周，醴洽深恩遍。

繁霜飛玉闥愛景麗皇州清蹕戒一作式馳路羽蓋佇宣

游神居既崇盛嵩嶮信環周禮俗陶德聲昌會溢民謳

慙無勝化質謬從雲雨浮一作遊

從拜陵登京峴

孟冬十月交殺盛陰欲終風烈無勁草寒甚有凋松軍
井冰晝結士馬羶夜重晨登峴山首霜雪凝未通息鞍
循隴上支劍望雲峯表裏觀地險昇降究天容東嶽覆
如礪瀛海安足窮傷哉良永矣馳光不再中衰賤謝遠

願疲老還舊邦深德竟何報徒令田陌空

蒜山被始興王命作

暮冬霜朔巖地閉泉不流玄武藏木陰丹鳥一作鳥還養

羞勞農澤既周役車時亦休高薄符一作浮好舊一作清藻

駕及時遊鹿苑宣淹睇兔園不足留升嶠眺日軌臨迥

望滄洲雲生玉堂裏風靡銀臺阪陂石類星懸嶼木似

煙浮形勝信天府珍寶麗皇州白日迴清景芳豔洽歡

荼參差出寒吹飈戾江上謳王德愛文雅飛瀚灑鳴球

美哉物會昌衣道服光猷

登廬山二首

懸裝亂水區薄旅次山樞千巖盛阻積萬壑勢迴縈龍

從高昔貌紛亂

一作純

襲前名洞澗窺地脉聳

藝文作疎

樹隱

天經松磴上迷密雲竇下縱橫陰冰實夏結炎樹信冬

榮嘈噴晨鷗思叫嘯夜猿清深崖伏化迹穹岫閱長靈

乘此樂山性重以遠遊情方躋羽人途永與煙霧并

又藝文類聚作登廬山望石門

訪世失隱淪從山異靈士明發振雲冠升嶠遠棲趾高
岑隔半天長岷斷千里氛集作飛霧承星辰潭壑洞江汜
蘄絕類虎牙巘屹象熊耳埋冰或百年韜樹必千祀雞
鳴清澗中猿嘯白雲裡瑤波逐穴開霞石觸峯起迴互
非一形參差悉相似傾聽鳳管賓緬望釣龍子松桂盈
膝前如何穢城市

從登香爐峯

辭宗盛荆夢登歌美鳧繹徒收杞梓饒曾非羽人宅羅

景鵠雲扃沾光扈龍策御風親列涂乘山窮禹跡含嘯
對霧岑延蘿倚峯壁青冥搖煙樹穹跨負天石霜崖滅
土膏金澗測泉脉旋淵抱星漢乳竇通海碧谷館駕鴻
人巖棲咀丹客殊物藏珍怪竒心隱仙籍高世伏音華
綿古遁精魄蕭瑟生哀聽參差遠驚覲慙無獻賦才洗
汙奉毫帛

從庾中郎遊園山石室

荒塗趣山楹雲崖隱靈

一作虛

室岡澗紛紫抱林障沓重

密昏昏磴路深活活梁水疾幽隅秉晝燭地牖窺朝日
怪石似龍章瑕壁麗錦質洞庭安可窮漏井終不溢沈
空絕景聲崩危坐驚慄神化豈有方妙象竟無述至哉
鍊玉人處此長自畢

登翻車峴

高山絕雲霓深谷斷無光晝夜淪霧雨冬夏結寒霜淖
坂既馬領磧路又羊腸畏塗疑旅人忌轍覆行箱升岑
望原陸四眺極川梁遊子思故居離客遲新鄉新知有

客慰追故遊子傷

登黃鶴磯

木落江渡寒鴈還風送秋臨流斷商絃瞰川悲棹謳適

郢無東轅還

藝文作過

夏有西浮三崖隱丹磴九派引滄流

淚竹感湘別弄珠懷漢遊豈伊藥餌泰得奪旅人憂

登雲陽九里埭

宿心不復歸流年抱衰疾既成雲雨人悲緒終不一徒

憶江南聲空錄齋后瑟方絕縈絃思豈見繞梁日

自礪山東望震澤

瀾漫潭洞波合沓崿嶂雲漲島遠不測岡澗近難分幽
篁愁暮見思鳥傷夕聞以此藉沈疴棲迹別人羣結言
非盡書有念豈敷文

三日遊南苑

採蘋及華月追節逐芳雲騰藉溢林疏麗日暉山文清
潭圓翠會花薄緣綺紋合樽遽景斜折榮委組芬

贈故人馬子喬六首

躑躅城上羊攀隅食玄草俱共日月輝昏明獨何早夕

風飄野箨飛塵被長道親愛難重陳

集作見

懷憂坐空老

寒灰滅更燃夕華晨更鮮春冰雖暫解冬水復還堅佳
人捨我去賞愛長絕緣歡至不留日感物輒傷年

松生隴坂上百尺下無枝東南望河尾西北隱崑崖野
風振山籟朋鳥夜驚離悲涼貫年節葱翠恒若斯安得
草木心不怨寒暑移

種橘南池上種杏北池中池北既少露池南又多風早

寒逼晚歲衰恨滿秋容湘濱有靈鳥其字曰鳴鴻一挹
繒繳痛長別遠無雙

皎如川上鵠赫似握中丹宿心誰不欺明白古所難憑
楹觀皓露灑酒盞憂顏永念平生意窮光不忍還淹留
徒攀桂延佇空結蘭

雙劍將離別先在匣中鳴煙雨交將夕從此遂分形雌

沈吳江裏

玉臺作水

雄飛入楚城吳江深無底楚關

一作關

有

宗扃一為天地別豈直限幽明神物終不隔千祀儻還

并

答客

幽居屬有念含意未連詞會客從外來問君何所思澄
神自惆悵嘿慮久迴疑謂賓少安席方為子陳之我以
華門士負學謝前基愛賞好徧越放縱少矜持專求遂
性樂不計緝名期歡至獨斟酒憂來輒賦詩聲交稍希
歇此意更堅滋浮生急馳電物道險絃絲深憂寡情謬
進伏兩睽時願賜卜身要得免後賢嗤

和王丞

限生歸有窮長意

一作憶

無已年秋心日迥絕春思坐連

綿銜協曠古願斟酌高代賢
遜迹俱浮海採藥共還山
夜聽橫石波朝望宿巖煙
明澗子公越飛蘿予紫牽
性好必齊遂迹幽非妄傳
滅志身世表藏名琴酒間

日落望江贈荀丞

旅人之愉樂薄暮增思深
日落嶺雲歸延頸望江陰
亂流瀟大壑長霧匝高林
林際無窮極雲邊不可尋
惟見

獨飛鳥千里一揚音推其感物情則知遊子心君居帝
京內高會日揮金豈念慕羣客咨嗟戀景沈

秋日示休上人

枯桑葉易零疲客心易驚今茲亦何早已聞絡緯鳴迴
風滅且起卷蓬息復征愴愴簾上寒悽悽帳裏清物色
延暮思霜露逼朝榮臨堂觀秋草東西望楚城百物方
蕭瑟坐歎從此生

答休上人

一云答休上人菊詩湯
惠休贈鮑侍郎詩別見

酒出野田稻菊生高岡草味貌復何奇能令君傾倒玉
椀徒自羞為君慨一作愧此秋金蓋覆牙枿何為心獨愁

吳興黃浦亭庾中郎別

風起洲渚寒雲上日無輝連山眇煙霧長波迫難依旅
鴈方南過浮客未西歸已經江海別復與親眷違奔景
易有窮離袖安可揮懽觴為悲酌歌服成泣衣溫念終
不渝藻志遠存追後人多牽滯顧路慙奮飛昧心附遠
翰炯言藏佩常

與伍侍郎別

民生如野鹿知愛不知命飲斲具攢聚翹陸歛驚迸傷
我慕類心感爾食革性漫漫駟郢途渺渺淮海逕子無
金石質吾有犬馬病憂樂安可言離會孰能定欽哉慎
所宜砥德乃為盛貧游不可忘久交念敦敬

送別王宣城

發郢流楚思涉淇興衛情既逢青春獻復值白蘋生廣
望周十里江郊藹微明舉爵自惆悵歌管為誰清潁陰

騰前藻淮陽流昔聲樹道慕高華屬路佇深馨

送從弟道秀別

參差生密念躑躅行思悲悲思戀光景密念盈

一作歲彌

時歲時多阻折光景乏安怡以此苦風情日夜驚懸旗
登山臨朝日揚袂別所思浸淫旦潮廣瀾漫宿雲滋天
陰懼先發路遠常早辭篇詩後相憶杯酒今無持游子
苦行役冀會非遠期

贈傅都曹別

輕鴻戲江潭孤鴈集洲止邂逅兩相親緣念共無已風
雨好東西一隔頓萬里追憶栖宿時聲容滿心耳落日
川渚寒愁雲繞天起短翮不能翔徘徊煙霧裏

和傅大農與僚故別

絕節無緩響傷鴈有哀音非同年歲意誰共集作別別離

心伊昔謬通塗一作望冠屐預人林浮江望南嶽登潮窺

海陰孰謂游居淺慕美久相深萋萋春草秀嚶嚶喜候
禽辰物盡明茂尊盛獨幽沈之子安所適我方栖舊岑

隆歡豈更接明愛邈難尋

送盛侍郎餞候亭

霑霜製冠帶驅駕越城闈
北臨出塞道南望入鄉津
高墉宿寒霧平野起秋塵
君為坐堂子我乃負羈人
欣悲豈等志甘苦誠異身
結涕園中草憔悴悲此春

與荀中書別

勞舟厭長浪疲旆倦行風
連翩感孤志契濶傷賤躬
親交篤離愛眷戀置酒終
敷文勉征念發藻慰愁容
思君

吟涉洧撫已謠渡江慙無黃鶴翅安得久相從願遂宿
知意不使舊山空

從過舊宮

肅裝屬雲旅奉鞠承末塗嚴恭履桑梓加敬覽枌榆靈
命蘊川瀆帝寶伏篇圖虎變由石紐龍翔自鼎湖功冠
生民始道妙神器初宮陞留前一作昔制歌思溢今衢餘

祥見雲物遺像存陶漁泉流信清泌原野實甘荼豈伊
愛鄴鄙天險無上腴東秦邦北門非親誰克居仁聲日

月愁惠澤雲雨敷廬令美何歇唐風久不渝微臣逢世
慶征賦備人徒空費行葦德採束謝生芻

從臨海王上荆初發新渚

客行有苦樂但問客何行板龍不待翼附驥絕塵冥梁
珪分楚牧羽鷁指全荆雲艦掩江汜千里被連旌戾戾
旦風道嘈嘈晨鼓鳴收纜辭帝郊揚棹發皇京狐兔懷
窟志犬馬戀主情撫襟同太息相顧俱涕零奉役塗未
啟思歸思已盈

還都道中三首

悅懌遂還心踊躍貪至勤鳴雞戒征路暮息落日分急
流騰飛沫回風起江濱孤獸啼夜侶離鴻噪霜羣物哀
心交橫聲切思紛紜歎慨訴同旅美人無相聞

風急訊灣浦裝高偃檣舳夕聽江上波遠極千里目寒
律驚窮蹊爽氣起喬木隱隱日沒岫瑟瑟風發谷鳥還
暮林誼潮上冰結澌夜分霜下淒悲端出遙陸愁來攢
人懷羈心苦獨宿

久宦迷遠川，川廣每多懼。
薄止間邊亭，閱歷險程路。
靈霧冥隅岫，濛昧江上霧。
時涼籟爭吹，流沚浪奔趣。
注一作
惻焉增愁起，搔首東南顧。
茫然荒野中，舉目皆凜素。
回風揚江泌，寒鴉棲動樹。
太息終晨漏，企我歸颺遇。

上潯陽還都道中作

昨夜宿南陵，今旦入蘆洲。
客行惜日月，崩波不可留。
侵星赴早路，畢景逐前儔。
鱗鱗夕雲起，獵獵晚一作曉風道。
騰沙鬱黃霧，翻浪揚白鷗。
登艫眺淮甸，掩泣望荆流。
絕

目盡平原時見遠
烟浮條忽坐還合
俄思甚兼秋未嘗
違戶庭安能千里
遊誰令乏古節貽
此越鄉憂

還都至三山望石頭城

泉源安首流川末
澄遠波晨光被水
族曉氣歇林阿兩
江皎平迥三山鬱
駢羅南帆望越嶠
北榜指齊河關扃
繞天邑襟帶抱尊
華長城非壑嶮峻
岨似荆茅攢樓貫
白日摘堞隱丹霞
征夫喜觀國遊子
遲見家流連入京
引躑躅望鄉歌彌
前歎景促逾近勅
路多偕萃猶如茲

弘易將謂何

還都口號

分壤蕃帝華列正藹皇宮禮讌及年暇朝奏因歲通維
舟歇金景結棹俟昌風鉦歌首寒物歸吹踐開冬陰沈
烟塞合蕭瑟涼海空馳霜急歸節幽雲慘天容旌鼓貫
玄塗羽鷁被長江君王遲京國遊子思鄉邦恩世共渝
洽身願兩板逢勉哉河濟客勤爾尺波功

行京口至竹里

高柯危且竦，鋒石橫復仄。複澗隱松聲，重崖伏雲色。冰
閉寒方壯，風動鳥傾翼。斯志逢凋嚴，孤遊值曠逼。無塗
無憇鞍，半菽不遑食。君子樹令名，細人効命力。不見長
河水，清濁俱不息。

發後渚

江上氣早寒，仲秋始霜雪。從軍乏衣糧，方冬與家別。蕭
條背鄉心，悽愴清渚發。涼埃晦平臯，飛潮隱脩樾。孤光
獨徘徊，空煙視昇滅。塗隨前峯遠，意逐後雲結。華志分

馳年韶顏慘驚節推琴三起歎聲為君斷絕

岐陽守風

差池玉繩高掩藹

一作映

瑤井沒廣岸屯宿陰懸崖棲歸

月後人喜先馳軍令申早發洲迴風正悲江寒霧未歇
飛雲日東西別鶴方楚越塵衣孰揮澣蓬思亂光髮

發長松遇雪

土牛既送寒莫陵

一作冥陵

方決馳振風搖地局封雪滿空

枝江渠合為陸天野浩無涯飲泉凍馬骨斷冰傷役疲

昆明豈不慘黍谷寧可吹

詠史

五都矜財雄三川養聲利
百金不市死明經有高位
京城十二衢飛甍各鱗次
任子彰華纓游客竦轡明星
晨未晞軒蓋已雲至
賓御紛颯沓鞍馬光照地
寒暑在一時繁華及春媚
君平獨寂寞身世兩相棄

蜀四賢詠

司馬相如
嚴君平
王褒
揚雄

渤渚水浴鳧春山玉抵鵲
皇漢方盛明羣龍滿階閣
君

平因世間得還守寂寞閉簾注道德開卦述天爵相如
達生旨能屯復能躍陵令無人事毫墨時灑落褒氣有
逸倫雅績信炳博如令聖納賢金璫易羈絡良遮神明
遊豈伊軫思作玄經不期賞蟲篆憂散樂首路或參差
投駕均遠託身表既非我生內任豐薄

古詩紀卷六十一

欽定四庫全書

古詩紀卷六十二

明 馮惟訥 撰

宋第八

鮑照三

擬古八首

魯客事楚王，懷金襲丹素。既荷主人恩，又蒙令尹顧。日

宴罷朝歸輿

一作
鞍

馬塞衢路，宗黨生光輝

一作
華

賓僕遠

傾慕富貴人，所欲道得亦何懼。南國有儒生，迷方獨淪

誤伐木清江湓設置守薨兔

十五諷詩書篇翰靡不通弱冠叅多士飛步游秦宮側
覩君子論預見古人風兩說窮舌端五車推筆鋒羞當
白壁耽恥受聊城功晚節從世務乘障遠和戎解佩襲
犀渠卷裘奉盧弓始願力不及安知今所終

幽并重騎射少年好馳逐羶帶佩雙鞬象弧插彫服獸
肥春草短飛鞚越平陸朝遊鴈門上暮還樓煩宿石梁
有餘勁驚雀無全目漢虜方未和邊城屢翻覆留我一

白羽將以分符

選作

竹

鑿井北陵隈百丈不及泉生事本瀾漫何用獨精堅幼

壯重寸陰衰暮及輕年放駕息朝歌提爵止中山

一作仙

日夕登城隅周迴視洛川街衢積凍草城郭宿寒煙繁
華悉何在宮闕久崩填空謗齊景非徒稱夷叔賢

伊昔不治業倦遊觀五都海岱饒壯士蒙泗多宿儒結
髮起躍馬垂白對講書呼我升上席陳觴發瓢壺管仲
死已久墓在西北隅後面崔嵬者桓公舊塚廬君來誠

既晚不覩宗明初玉琬徒見傳交友義漸踈

東薪幽篁裏刈黍寒澗陰朔風傷我肌號鳥驚思心歲
暮井賦訖程課相追尋田租送函谷獸藁輸上林河渭
冰未開闕隴雪正深笞擊官有罰呵辱吏見侵不謂乘
軒意伏櫪還至今

河畔草未黃胡鴈已矯翼秋螢扶戶吟寒婦成夜織去
歲征人還流傳舊相識聞君上隴時東望久歎息宿昔
改衣帶朝旦

玉臺作
旦暮

異容色念此憂如何夜長愁更多

明鏡塵匣中瑤琴生網羅

蜀漢多奇山仰望與雲平陰崖積夏雪陽谷散秋榮朝
朝見雲歸夜夜聞猿鳴憂人本自悲孤客易傷情臨堂
設樽酒留酌思平生石以堅為性君勿慙一作素誠

紹古辭七首

橘生湘水側一首藝文作張
華外編作漢古辭皆非也

橘生湘水側菲陋人莫傳逢君金華宴得在玉几前三
川窮名利京洛富妖妍恩榮難久恃隆寵易衰偏觀席
妾悽愴覩翰君泣然徒抱忠孝志猶為葑菲邊

昔與君別時蠶妾初獻絲何言年月駛寒衣已擣治緜
繡多廢亂篇帛久塵縑離心壯為劇飛念如懸旗石席
我不爽德音君勿欺

瑟瑟涼海風竦竦寒山木紛紛羈思盈慊慊夜弦促訪
言山海路千里歌別鶴絃絕空咨嗟形音誰賞錄辛苦
異人狀美貌改如玉伎畜巧言鳥不解心款曲

孤鴻散江嶼連翩遵渚飛含嘶衡桂浦馳顧河朔畿攢
攢勁秋木昭昭淨冬暉牕前滌歡爵帳裏縫舞衣芳歲

猶自可日夜望君歸

憑極翫夜月迥眺出谷雲還山路已遠往海不及羣徘徊
清淮汭顧慕廣江濱物情乖喜歇守操古難聞三越
豐少姿容態傾動君

開黛覩容

一作朝

顏臨鏡訪遙塗君子事河源彌祀闕還

書春風掃地起飛塵生綺疏文桂為誰設羅帳空卷舒
不怨身孤寡但念星隱隅

暖歲節物早萬萌迎春達春風夜娘娟春霧朝暝靄軟

蘭葉可采柔柔條易捋怨咽對風景悶管守閨闈天賦
愁民命含生但契闊憂來無行伍歷亂如鞦韆

學古

北風十二月雪下如亂巾實是愁苦節惆悵憶一作情

親會得兩少妾同是洛陽人嫖絲好眉目閑麗美腰身
凝膚皎若雪明淨色如神驕愛生盼矚聲媚起朱唇
服襍綵績首飾亂瓊珍調絃俱起舞為我唱梁塵人生
貴得意懷願待君申幸值嚴冬暮幽夜方未晨齊衾久

兩設角枕已雙陳願君早休息留歌待三春

古辭

容華不待年何為客遊梁九月寒陰合悲風斷君腸歎
息空房婦幽思坐自傷勞心結遠路惆悵獨未央

擬青青陵上柏

涓涓亂江泉綿綿橫海煙浮生旅昭世空事歎華年書
翰幸閒暇我酌子縈絃飛鑣出荆路驚服指秦川渭濱
富皇居鱗館匝河山與童唱秉椒擢女歌采蓮字愉鸞

閣上窈窕鳳楹前
娛生信非謬
安用求多賢

學劉公幹體五首

欲宦乏王事
結主遠恩私
為身不為名
散書徒滿帷
連冰上冬月
披雪拾園葵
聖靈燭區外
小臣良見遺

曠曠寒野霧蒼蒼
陰山柏樹迥霧縈
集山寒野風急
歲物盡淪傷
孤貞為誰立
賴樹自能貞
不計迹幽澁

胡風吹朔雪千里
度龍山集君瑤
臺上飛舞兩楹前
茲晨自為美
當避豔陽天
一作年
豔陽桃李節皎潔不成妍

荷生淶泉中碧葉齊如規迴風蕩流霧珠水逐條垂彪
炳此金塘藻耀君玉池不愁世賞絕但畏盛明移

藝文
作張

華

白日正中時天下共明光北園有細草當晝正含霜
乘榮頓如此何用獨芬芳抽琴為爾歌絃斷不成章

擬阮公夜中不能寐

漏分不能卧酌酒亂繁憂惠氣憑夜清素景緣隙流鳴
鶴時一聞千里絕無儔佇立為誰久寂寞空自愁

學陶彭澤體

奉和王義興

長憂非生意短願不須多但使尊酒滿朋舊數相過秋
風七八月清露潤綺羅提瑟當戶坐歎息望天河保此
無傾動寧復滯風波

數名詩

文選作
數詩

一身仕闕西家族滿山東二年從車駕齋祭甘泉宮三
朝國慶畢休沐還舊邦四牡曜長路輕蓋若飛鴻五侯
相餞送高會集新豐六樂陳廣坐組帳揚春風七盤起

長袖庭下列歌鐘八珍盈彫俎綺肴紛錯重九族共瞻
遲賓友仰徽容十載學無就善宦一朝通

建除詩

建旗出燉煌西討屬國羌除去徒與騎戰車羅萬箱滿
山又填谷投鞍合營牆平原亘千里旗鼓轉相望定舍
後未休候騎救前裝執戈無暫頓彎弧不解張破滅西
零國生虜郵支王危亂悉平蕩萬里置關梁成軍入玉
門士女獻壺漿收功在一時歷世荷餘光開壤襲朱紱

左右佩金章閉帷草太玄茲事殆愚狂

白雲

探靈喜解骨測化善騰天情高不戀俗厭世樂尋仙鍊
金宿明館屑玉止瑤淵鳳歌出林闕龍駕戾蓬山凌崖
采三露攀鴻戲五煙昭昭景臨霞湯湯風媚泉命娥雙
月際要媛兩星間飛虹眺卷河汎霧弄輕絃笛聲謝廣
宥神道不復傳一逐白雲去千齡猶未旋

臨川王服竟還田里

送舊禮有終事君慙懦薄稅駕罷朝衣歸志願巢壑尋
思邈無報退命愧天爵捨耨將十齡還得守場藿道經
盈竹筍農書滿塵閣愴愴秋風生戚戚寒緯作豐霧粲
草華高月麗雲崿屣跡勤躬稼衰疾倚芝藥顧此謝人
羣豈直止商洛

行藥至城東橋

雞鳴關吏起伐鼓早通晨嚴車臨迥陌延瞰歷城闔蔓
草緣高隅脩楊夾廣津迅風首旦發平路塞飛塵擾擾

遊宦子營營市井人懷金近從利撫劍遠辭親爭先萬
里塗各事百年身開芳及稚節含綠茗驚春尊賢永照
灼孤賤長隱淪容華坐銷歇端為誰苦辛

園中秋散

負疾固無豫晨衿悵已單氣交蓬門踈風數園草殘荒
壚半晚色幽庭憐夕寒既悲月戶清復切夜蟲酸流枕
商聲苦騷殺年志闌臨歌不知調發興誰與歡儻結絃
上情豈孤林下彈

觀圃人藝植

善賈笑蠶漁，巧宦賤農牧。遠養遍闕市，深利窮海陸。乘
軺實金羈，當壚信珠服。居無逸身伎，安得坐梁肉。徒承
屬生幸，政緩吏平睦。春畦及耘藝，秋場早芟築。澤閱既
繁，高山營又登。熟抱鍤，壟上餐結茅。野中宿空織，已尚
淳寧知俗翻覆。

遇銅山掘黃精

土肪闕中經，水芝輻內策。

一作籍

寶餌緩童年，命藥駐衰

歷矧蓄終古情重拾煙霧迹羊角樓斷雲榼口流隘石
銅谿畫森沈乳竇夜涓滴既類風門磴復像天井壁蹠
蹠寒葉離濛濛秋水積松色隨野深月露依草白空守
江海思豈愧梁鄭客得仁古無怨順道今何惜

見賣玉器者

并序

見賣玉器者或人欲買疑其是珉不肯成市聊作此
詩以戲買者

涇渭不可禡珉玉當早分子實僖楚客蒙俗謬前聞安

知理字采豈識質明溫我方歷上國從洛入函轅揚光
十貫室馳譽四豪門奇聲振朝邑高價服鄉村寧能與
爾曹瑜瑕稍辨論

懷遠人

哀樂生有端離會起無因去事難重念恍惚似如神屬
期眇起遠後遇邈無辰馳風掃遠路輕蘿含夕塵思君
成首疾欲息睂不伸

夢歸鄉

玉臺作
夢還詩

銜淚出郭門撫劍無人達沙風暗空

玉臺作塞

起離心卷鄉

畿夜分就孤枕夢想暫言歸孀婦當戶歎縲絲

外編作搔首

復鳴機慊歎論久別相將還綺闈歷歷簷下涼隴隴帳

裏暉川蘭爭芬芳採菊競歲蕤開奩奪香蘇探袖解纓

徽夢中長路近覺後大江違驚起空歎息恍惚神魂飛

白水漫浩浩高山壯巍巍波瀾異往復風霜改榮衰此

土非吾土慷慨當告誰

春羈

征人歎道，避去鄉，渴路邇，佳期每無從，淮陽非咫尺，春
日起，游心勞，情出徙倚，岫遠雲烟綿，谷屈泉靡迤，風起
花四散，露濃條闕。暄妍正在茲，摧抑多嗟，思嘶聲名
一作邊堅，豈我箱中紙，染翰餉君琴，新聲憶解子

歲暮悲

霜露迭濡潤，草木互榮落，日夜改運周，今悲復如昨，晝
色苦沈陰，白雪夜迴薄，皦潔冒霜鴈，飄揚出風鶴，天寒
多顏苦，妍容逐丹壑，絲罽千里心，獨宿乏然諾，歲暮美

人還寒壺與誰酌

在江陵歎年傷老

五難未易夷三命戒淵抱方瞳起松髓頰髮疑桂腦役
生良自休大患安足保開簾窺景夕備屬雲物好翩翩
燕弄風嫋嫋柳垂道池瀆亂蘋萍園榭羨花草節如驚
灰異零落就衰老

夜聽妓二首

夜來坐幾時銀漢傾露落澄滄入閨景歲鞋被園藿絲

管感暮情哀音繞梁作芳盛不可恒及歲共為樂天明
坐當散琴酒駛弦酌

蘭膏消耗夜轉多亂筵襟坐更弦歌傾情逐節寧不苦
特為盛年惜容華

翫月城西門廨中

始見

一作出

西南樓纖纖如玉鈎末映東北擘娟娟似娥

眉娥眉蔽珠櫳玉鈎隔鎖牕三五二八時千里與君同

夜移銜漢落徘徊帷戶

玉臺作愧

中歸華先委露別葉早辭

風客遊厭苦辛仕子倦飄塵沐澣自公日宴慰及私辰

蜀琴抽白雪郢曲發

玉臺作繞

陽春肴乾酒未闕金壺啓夕

淪迴軒駐輕蓋留酌待情人

喜雨

奉敕作

營社連羣陰屯雲

藝文作連宮

揜積陽河井起龍蒸日鬼歛

游光族雲飛泉室震風沈羽鄉升零決地維傾潤瀉天

潢平灑周海嶽曲潦溢川莊驚雷鳴桂渚迴涓流玉堂

珍木抽翠條炎卉擢

藝文作耀

朱芳闕市欣九賦京廩開萬

箱無謝堯為君何用知栢皇

苦雨

連陰積澆灌滂沱下霖亂沈雲日夕昏驟雨望

藝文
作淫朝

且蹊潭走獸稀林寒鳥飛晏密霧冥下溪聚雲屯高岸
野雀無所依羣雞聚空館川梁日已廣懷人逸渺漫徒
酌相思酒空急促明彈

詠白雪

白珪誠自白不如雪光妍工隨物動氣能逐勢方圓無

妨玉顏媚不奪素繒鮮投心障苦節隱迹避榮年蘭焚
石既斷何用恃芳堅

三日

氣暄動思心柳青起春懷時艷憐花藥服淨俛登臺提
觴野中飲愛心一作心愛煙未開露色染春草泉源潔冰苔

泥泥濡露條娟娟承風裁鳧雛掇苦薺黃鳥銜櫻梅解
衿欣景預臨流競覆杯美人竟何在浮心空自摧

詠秋

秋蘭徒晚綠流風漸不親
飈我垂幙驚此梁上塵沈
陰安可久豐景將遂淪何由忽靈化暫見別離人

秋夕

慮涕擁心用夜默發思機幽閨溢涼吹間庭滿清暉紫
蘭花已歇青梧葉方稀江上淒海戾漢曲驚朔霏髮斑
悟壯晚物謝知歲微臨宵嗟獨對撫賞怨情違躊躇空
明月惆悵徒深惟

秋夜二首

夜久膏既竭啓明旦未央環情倦始復空閨

一作起晨

裝幸承天光轉曲影入幽堂徘徊集通隙宛轉燭迴梁
惟風自卷舒簾露視成行歲役急窮晏生慮備溫涼絲
紈夙染濯綿綿夜裁張冬雪旦夕至公子乏衣裳華心
愛零落非直惜容光願君剪衆念且共覆前觴

遁跡避紛喧貨農棲寂寞荒徑馳野鼠空庭聚山雀既
遠人世歡還賴泉卉樂折柳樊場圃負綆汲潭壑霽旦
見雲峯風夜聞海鶴江介早寒來白露先秋落麻壑方

結葉瓜田已掃籜，傾暉忽西下。迴景思華幕，攀蘿席中
軒。臨觴不能酌，終古自多恨。幽悲共淪鑠。

和王護軍秋夕

散漫秋雲遠，蕭蕭霜月寒。驚飈西北起，孤鴈夜往還。開
軒當戶牖，取琴試一彈。停歌不能和，終曲久辛酸。金氣
方勁殺，隆陽微且單。泉涸甘井竭，節徙芳歲殘。生事各
多少，誰共知易難。投章心蘊結，千里送輕紈。願託孤老
暇，觴思暫開餐。

和王義興七夕

宵月向掩扉夜霧方當白寒機思孀婦秋堂泣征客匹
命無單年偶影有雙夕暫交金石心須更雲雨隔

冬至

舟遷莊甚笑水流孔急歎景移風度改日至晷迴換眇
眇負霜鶴皎皎帶雲鴈長河結欄玕層冰如玉岸哀哀
古老容慘顏愁歲晏催促時節過逼迫聚離散美人還
未央鳴箏誰與彈

冬日

嚴風亂山起白日欲還次曛霧蔽窮天夕陰晦寒地煙
霾有氛氲精光無明異風急野田空饑禽稍相棄含生
共通閉懷賢敦為利天窺苟平圓寧得已偏媚瀉海有
歸潮衰容不還稚君今且安歌無念老方至

望水

刷鬢垂秋日登高觀水長千澗無別源萬壑共一廣流
駛巨石轉湍迴急沫上苔苔嶺岸高照照寒洲爽東歸

難忖惻日逝誰與賞臨川憶古事目孱千載想河伯自
矜大海若沈渺莽

望孤石

江南多暖谷襟樹茂寒岑朱華抱白雪陽條熙朔風蚌
節流綺藻輝石亂煙虹泄雲去無極馳波往不窮嘯歌
清漏畢徘徊朝景終浮生會當幾歡酌每盈衷

山行見孤桐

桐生藂石裏根孤地寒陰上倚崩岸勢下帶洞阿深奔

泉冬激射霧雨夏霖靈未霜葉已肅不風條自吟昏明
積苦思晝夜叫哀禽棄妾望掩淚逐臣對撫心雖以慰
單危悲涼不可任幸願見雕斲為君堂上琴

詠雙鷺二首

雙燕戲雲崖羽翰

一作翻

始差池出入南閨裏經過北堂

陸意欲巢君幕層楹不可窺沈吟芳歲晚徘徊韶景移
悲歌辭舊愛銜淚覓新知

可憐雲中燕旦去暮來歸自知羽翅弱不與鵲爭飛寄

聲謝飛鵠往事子
毛衣瑣心誠貧薄
巨希節榮衰陰山
饒
苦霧危節多勁威
豈但避霜雪當一作復傲野人機

酒後

晨節無兩淹年意
不俱處自非羽酌
歡何用慰愁旅

講易

雲澤翔羽姬橫蓋
招益人賁園無金
尚履道易書紳

可愛

風帷閃珠帶月幌
垂霧羅魏粲縫秋
裳趙豔習春歌

夜聽聲

辭鄉不覺遠，歡寡憂自繁。
何用慰秋望，清燭視夜翻。

咏老

藝文作陸
機下同

軟顏收紅蕊，玄髮生素華。
冉冉逝將老，咄咄奈老何。

春咏

節運同可悲，莫若春光甚。
和風未及煥，遺涼清且凜。

在荊州與張使君李居士聯句

橋磴支吾轍，篁路拂輕鞍。
三尹無喜色，一適或垂竿。

與謝尚書莊三連句

霞輝兮澗朗日靜兮川澄風輕桃欲開露重蘭未勝水
光溢兮松霧動山煙疊兮石露凝掩映晨物綵連綿夕

羽興

月下登樓連句

鬢髻羅月光繽紛篁霧陰樂來亂憂念酒至歇憂心
博

士露入覺牖高螢蜚測苑深清氣澄永夜流吹不可臨

王延秀
密峯集浮碧踈瀾道瀛尋嗽玉延幽性攀桂藉知

音荀原辰意事淪晦良歡戒勿侵昭景有遺駟䟽賈魚

留金

荀中書
萬秋

字謎三首

二形一體四支八頭四八一八飛泉仰流

井字

頭如刀尾如鈎中央橫廣四角六抽右面負兩刃左邊

雙屬牛

龜字

乾之一九隻立無偶坤之二六宛然雙宿

土字

贈顧墨曹

昏明易遠離會難揆雲轍泉分西艫東軌

闕

古詩紀卷六十二